

Snoofy მომსახურების პირობები

მოქმედების თარიღი 19 სექტემბერი 2026

ეს პირობები არეგულირებს Snoofy-ს ვებპლატფორმის, QR თეგისა და მასთან დაკავშირებული ცხოველის პროფილის გამოყენებას. Snoofy გეხმარებათ QR თეგთან ცხოველის პროფილის დაკავშირებაში, რათა თეგის დამსკანერებელმა შეძლოს ცხოველისა და მისი პატრონის მიერ გამოქვეყნებული საკონტაქტო ინფორმაციის ნახვა.

1 მომსახურების მიმწოდებელი

Snoofy-ს მომსახურების მიმწოდებელია დავით ბექაური, ინდივიდუალური მეწარმე, მისამართი: საქართველო, თბილისი, საიდენტიფიკაციო ან პირადი ნომერი: 01819092755.

საკონტაქტო ელფოსტა: snoofy.ge@gmail.com. ტელეფონი: +995 558 78 77 49.

2 პირობების მიღება და ასაკი

ანგარიშის შექმნით ან Snoofy-ს გამოყენებით ადასტურებთ, რომ გაეცანით და ეთანხმებით ამ პირობებსა და კონფიდენციალურობის პოლიტიკას.

Snoofy განკუთვნილია 16 წლის ან უფროსი პირებისთვის. თუ 16 ან 17 წლის ხართ, Snoofy უნდა გამოიყენოთ მშობლის ან კანონიერი წარმომადგენლის ცოდნითა და თანხმობით, განსაკუთრებით QR თეგის შეძენისა და საჯარო პროფილის გამოქვეყნებისას.

3 ანგარიში და უსაფრთხოება

ანგარიშში შესვლა შესაძლებელია ტელეფონის ნომერზე გამოგზავნილი ერთჯერადი კოდით ან Google ანგარიშით, ტელეფონის ნომრის დამატებითი დადასტურებით. თქვენ ვალდებული ხართ მიუთითოთ სწორი ინფორმაცია, დაიცვათ ერთჯერადი კოდი და დაუყოვნებლივ შეგვატყობინოთ ანგარიშის უნებართვო გამოყენების შესახებ.

ერთჯერადი კოდის მიღებაზე თანხმობა მხოლოდ ავტორიზაციისთვის საჭირო შეტყობინებას ეხება. ის არ ნიშნავს მარკეტინგულ შეტყობინებებზე თანხმობას.

4 ცხოველის პროფილი და საჯარო ინფორმაცია

შეგიძლიათ შექმნათ ცხოველის პროფილი და მიუთითოთ სახეობა, სქესი, დაბადების თარიღი, ჯიში, ფერი, წონა, განმასხვავებელი ნიშნები, ჯანმრთელობის მდგომარეობა და ალერგიები, მიმდინარე მედიკამენტები, კვებისა და მოვლის მითითებები და ფოტოები.

QR პროფილის გააქტიურებისას თქვენს მიერ არჩეული ინფორმაცია საჯარო ხდება ნებისმიერი პირისთვის, ვინც თეგს დაასკანერებს. ეს შეიძლება მოიცავდეს თქვენს სახელს, ტელეფონის ნომერს, პროფილის ფოტოსა და ცხოველის მონაცემებს. გამოქვეყნებამდე უნდა ნახოთ საჯარო გვერდის წინასწარი ვერსია და მკაფიოდ დაადასტუროთ გამოქვეყნება. შეგიძლიათ საჯარო ინფორმაცია ნებისმიერ დროს შეცვალოთ ან დამალოთ.

არ გამოაქვეყნოთ სხვისი პერსონალური ინფორმაცია, თუ ამის უფლება არ გაქვთ. ცხოველთან დაკავშირებული ინფორმაცია არ წარმოადგენს ვეტერინარულ ჩანაწერს ან Snoofy-ს მიერ გაცემულ სამედიცინო რეკომენდაციას.

5 თქვენი პასუხისმგებლობა

თქვენ პასუხისმგებელი ხართ თქვენს ანგარიშსა და პროფილში განთავსებულ ინფორმაციაზე. აკრძალულია:

- ყალბი, შეცდომაში შემყვანი, შეურაცხყოფელი, უკანონო ან სხვისი უფლებების დამრღვევი ინფორმაციის განთავსება;
- სხვისი ფოტოს, საკონტაქტო ინფორმაციის ან სხვა მასალის უნებართვოდ გამოყენება;
- თაღლითობა, სპამი, მავნე კოდის გავრცელება ან მომსახურების უსაფრთხოების დარღვევა;
- Snoofy-ს ავტომატური შეგროვება, scraping, ბოტებით გამოყენება ან სისტემის გვერდის ავლა ჩვენი წერილობითი ნებართვის გარეშე;
- Snoofy-ს სახელის, ლოგოს ან დიზაინის გამოყენება ისე, რომ შეიქმნას პარტნიორობის ან მხარდაჭერის მცდარი შთაბეჭდილება.

6 მომხმარებლის კონტენტი

თქვენ ინარჩუნებთ უფლებებს თქვენს ფოტოებსა და სხვა მასალებზე. Snoofy-ს აძლევთ არაექსკლუზიურ, უსასყიდლო და მხოლოდ მომსახურების ფუნქციონირებისთვის საჭირო ლიცენზიას, რათა შევინახოთ, დავამუშაოთ და ვაჩვენოთ ეს მასალა თქვენს მიერ არჩეული პარამეტრების შესაბამისად.

ცხოველის ფოტო მარკეტინგულ მასალაში გამოიყენება მხოლოდ თქვენი ცალკე, ნებაყოფლობითი თანხმობით. ასეთი თანხმობა არ არის Snoofy-ს გამოყენების პირობა და შეგიძლიათ ნებისმიერ დროს გამოიხმოთ მომავალ გამოყენებებზე.

7 მოდერაცია და ანგარიშის შეზღუდვა

შეგიძლია წავშალოთ აშკარად შეუსაბამო ან უკანონო ინფორმაცია და დაგიკავშირდეთ დარღვევის გამოსასწორებლად. მძიმე ან განმეორებითი დარღვევის, უსაფრთხოების რისკის ან კანონით მოთხოვნილი შემთხვევისას შეიძლება დროებით შევზღუდოთ ან გავაუქმოთ წვდომა. შესაძლებლობის ფარგლებში წინასწარ შეგატყობინებთ და მოგცემთ განმარტების საშუალებას.

8 QR თეგის შეზღუდვები

QR თეგი არ არის GPS მონეობილობა და არ იძლევა ცხოველის პოვნის გარანტიას. შედეგი დამოკიდებულია თეგის მდგომარეობაზე, ინტერნეტზე, დამსკანერებლის მოქმედებაზე და პროფილში მითითებული ინფორმაციის სისწორეზე. თქვენ პასუხისმგებელი ხართ თეგის უსაფრთხოდ დამაგრებასა და საკონტაქტო მონაცემების განახლებაზე.

9 QR თეგის შეძენა

ამ ეტაპზე QR თეგები იყიდება პირადად და არა ვებაპლიკაციაში. ფასი, გადახდისა და ნივთის გადაცემის პირობები გეცნობებათ შეძენისას. ეს პირობები არ ზღუდავს საქართველოს კანონმდებლობით მინიჭებულ მომხმარებლის უფლებებს, მათ შორის ნივთის ნაკლთან დაკავშირებულ უფლებებს.

10 ინტელექტუალური საკუთრება

Snoofy-ს სახელი, ლოგო, დიზაინი, პროგრამული კოდი და Snoofy-ს მიერ შექმნილი კონტენტი ეკუთვნის მომსახურების მიმწოდებელს ან შესაბამის უფლებამოსილ პირს. დაუშვებელია მათი კოპირება, გაყიდვა, შეცვლა ან კომერციული გამოყენება წინასწარი წერილობითი ნებართვის გარეშე.

11 მომსახურების ხელმისაწვდომობა და პასუხისმგებლობა

ვცდილობთ Snoofy უსაფრთხოდ და სტაბილურად მუშაობდეს, თუმცა მომსახურება შეიძლება დროებით შეფერხდეს ტექნიკური სამუშაოს, ინტერნეტის, მესამე მხარის სერვისის ან სხვა გონივრული მიზეზის გამო. კანონით დასაშვებ ფარგლებში Snoofy არ აგებს პასუხს დაკარგული ცხოველის უპოვნელობაზე, მესამე პირის ქმედებაზე ან მომხმარებლის მიერ არასწორად გამოქვეყნებულ ინფორმაციაზე. პასუხისმგებლობის ეს შემლუდვა არ ვრცელდება განზრახ ქმედებაზე, უხეშ გაუფრთხილებლობაზე ან პასუხისმგებლობაზე, რომლის გამორიცხვაც კანონით დაუშვებელია.

12 ანგარიშის წაშლა

შეგიძლიათ აპიდან წაშალოთ ანგარიში და მასთან დაკავშირებული პროფილები. წაშლის შემდეგ QR გვერდი აღარ იქნება ხელმისაწვდომი. კანონით დასაშვებ შემთხვევებში შეიძლება დროებით შევინარჩუნოთ მხოლოდ ის მინიმალური ინფორმაცია, რომელიც აუცილებელია სამართლებრივი მოთხოვნის, დავის ან უსაფრთხოების ინციდენტის მოსაგვარებლად.

13 მოქმედი სამართალი და დავები

ამ პირობებზე ვრცელდება საქართველოს სამართალი. დავის შემთხვევაში პირველ რიგში მოგვწერეთ snoofy.ge@gmail.com-ზე. თუ შეთანხმება ვერ მიიღწევა, დავა განიხილება საქართველოს კომპეტენტურ სასამართლოში კანონით დადგენილი განსჯადობის წესით. მომხმარებელს ასევე შეუძლია მიმართოს საქართველოს კონკურენციისა და მომხმარებლის დაცვის სააგენტოს, როცა საკითხი მის უფლებამოსილებას ეხება.

14 ცვლილებები და კონტაქტი

შეიძლება პერიოდულად განვაახლოთ ეს პირობები. არსებითი ცვლილებების შესახებ შეგატყობინებთ ვებაპლიკაციაში ან თქვენს საკონტაქტო არხზე და მივუთითებთ ახალ მოქმედების თარიღს.

კითხვებისთვის მოგვწერეთ snoofy.ge@gmail.com-ზე ან დაგვიკავშირდით ნომერზე +995 558 78 77 49.